

S I L E S I A I N F E R I O R.

¹ Divisio



Vibes Silesia
Superioris

Inferioris.

Divisio
in 16 du-
catum.

Tertia Di-
visio in qua-
tuor Circu-
los diversi-
mode.

Ividitur Silesia sex modis; Prima autem & generalis divisio erat olim in tres partes, nunc vero in duas, Superiorum scilicet & inferiorem Silesiam.

Superior Silesia Vibes præcipuas complectitur has, *Iaegerndorf*, *Troppaw*, *Teschen*, *Ratibor*, & *Oppeln*, cum sibi annexis oppidis, monasteriis, castris, castellis atque pagis, nec non libero baronatu *Plessensi*.

Silesia inferiori attribuuntur, *Grotkaw*, cum *Neissa*, *Brieg*, *Breslau*, *Olm*, *Monsterberg*, *Sweidnitz*, *Iauer*, *Liegnitz*, *Glogaw*, *Sagan* & *Crossen*, cum sibi annexis urbibus, monasteriis, castris, castellis, nec non tribus baronatibus liberis, *Wartenberg*, *Mielisch*, & *Trachenberg*.

Ex hac prima Silesia divisione, resultat Secunda, qua universa partitur in sedecim Ducatus, & quatuor baronatus, qui singuli à sua metropoli denominantur.

Tres Ducatus contigui, *Ratibor*, *Iaegerndorf*, & *Troppaw*, usque ad alpes Bohemicas protenduntur, habentque sibi confinem Moraviam.

Ducatus *Teschenis* terminatur hinc alpibus Pannonicis, inde finibus ipsis Pannoniae & Poloniae minoris.

Ducatus *Opplinensis*, atque etiam *Briegenis*, qua parte Viadrum transcendent, Polonia minori terminatur. *Grotkavensis*, & *Vratislaviensis* in penitissima Silesia siti sunt. *Vratislaviensis* tamen Septentrionem versus procurrent ipsum quoque Viadrum superat. Ultra Viadrum situs intermediumque habens ducatum Liegnicensem oppositam aspicit Poloniā majorem. *Monsterbergensis*, *Sweidnicus* & *Iauericus* porrigitur usque ad alpes Bohemicas, atque hic quidem parte occidentali etiam usque ad Lusatiam superiorem. Major *Glogovia* terminatur partim Moravia, partim etiam Electoratu Brandenburgico. Ultimus vero ducatus *Saganensis* dictus, finitur Lusatia inferiori. Primus quatuor baronatum prædictorum, *Plessensis* scilicet, contingit Lusatiam minorem, reliqui tres Poloniā majorem sibi adversam habent.

Tertia hujus regionis divisio, est in quatuor Circulos, utloquuntur, ad rem militarem spectans, quæque urgentibus rebus, & variantibus belli casibus ipsa quo-

que diversimode variatur.

Anno quippe 1530, regio hæc divisa fuit in quatuor circulos hoc modo, ut primus contineret hos quatuor principatus, *Saganensem*, *Glogovensem*, *Iauerensem*, & *Liegnitzensem*: cum urbe *Lubenac*.

Secundus vero complectebatur præter Ducatum *Vratislaviensem*, *Olnicensem*, & *Briegensem*: urbes complures; *Wohlau*, *Steinaw*, *Rauden*, *Winzig*, *Herrenstadt*, *Trachenberg*, *Prausnitz*, *Mielisch*, *WVartenberg*, *Bernstadt*, & *Ohlaw*.

Tertius vero præter *Sweinitz*, *Monsterberg* & *Franckenstein*, habuit Episcopatum *Neis*, *Nimbsch* & *Strehlen*.

In quarto vero, præter *Opplicensem*, *Ratiborensem*, *Troppavensem*, *Teschenensem*, & *Iaegerndorfensem* ducatum, fuerunt *Oberberg*, *Pleß*, *Lubschutz*, *Neustedtel*, & *Oberbendten*.

Postea anno 1541, tota regio rursus in quatuor sed diversos à prioribus circulos fuit partita; nam in Primo fuit Episcopus, cum *Grotkavensis*, & *Neiffensis*, item Marchio Georgius, cum *Iaegerndorf* & *Lubschutz*, ducatus etiam *Vratislaviensis* & liber baronatus *Plessensis*.

In Secundo fuit Fridericus Dux *Liegnitzenensis*, cum Ducatu *Saganensi* & *Glogovensi*.

In tertio Dux *Monsterbergensis*, cum omnibus suis ditionibus & subditis, item *Sweidnitzenensis*, duoque Domini à *Kurzbac*, & *Malzhan*.

In quarto vero *Oppeln*, *Ratibor*, *Teschen*, *Troppaw* & *Fulstein*.

Anno 1578, nova demum regionis secundum circulos divisio, Defensionis dicta, secuta est. Hac tota regio in quatuor rursus five tractus five circulos divisa fuit. In primum conclusa fuit tota Silesia Superior, quæ in se comprehendit Ducatum *Teschen*, cum omnibus dominii, velut *Iaegerndorf*, *Troppaw*, *Oppeln*, *Ratibor*, *Pleß*, *Bilitz*, *Olberstorff*, *Heubendorff*, *Glinka*, *Villenstein*, *Vieft*, *Costenthal*, *Katschur*, *Fulnegk*.

In Secundum Episcopatus *Vratislaviensis*, & *Briegenis*. quibus ceu additamentum adjectum *Burgum majus*.

In tertium, Ecclesiastica bona omnia in hoc circulo sita. *Liegnitz*, *WVohlaw*, *Steinaw*, *Rauden*, *WVintzig*, *Herrenstadt*, *Rietzen*, *Trachenbergk*, *Mielisch*, duo *Kirtzbaccher*, *Sigismundus* & *Henricus*, *Glogovia major*, *Sagan*; quibus adjiciendum *Crossen*.

In quartum, *Sweidnitz*, *Iauer*, *Munsterberg*, *Franckstein*, *Reichstein*, & *Silberberg*.

Quarto omnis Silesia in duo latera bipartita est, Germanicum & Polonicum: Polonicum latus

259 10